

大寶積經

第九十四

八十二
制四

47602



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



大寶積經卷第九十四

姚秦三藏法師羅什譯

制

善臂菩薩會第二十六之二

善臂云何菩薩摩訶薩具足行禪波羅蜜善
薩若眼見色不取其相或時眼根爲外緣所
牽應正行守護不令隨緣不留心於無鬻貪
著世間護持是戒今時具足得眼根戒耳聞
聲鼻嗅香舌嘗味身覺觸意知法亦如是是
菩薩若行住坐臥若說法若嘿然終不遠離
寂定之心善護手足無有散亂常懷慙愧善
護口業安詳直視心常寂靜不喜戲笑善御
身口意業令其寂靜若屏猥處及現露處無

有異心於所須物衣服飲食卧具醫藥心常
知足易養身易滿易可使令善行寂靜遠離憤
鬧於利衰毀譽稱譏苦樂心無有異不高不
下命及非命亦無異心無瞋無愛等視怨家
猶如赤子於忍不忍心常平等聖聲凡聲寂
聲亂聲亦復如是憎愛色中心不高下離染
瞋恚愛不愛者聲香味觸法亦復如是是菩
薩觀欲如骨瓊邪憶想故發起此心觀欲如
肉搏多然憎故觀欲如炬火染著苦法遠離
樂故觀欲如樹上菓多人愛著故觀欲如假
借不得自在故觀欲如夢念念滅故觀欲如
癱於苦倒中生樂想故觀欲如鈎行諸惡法

墮惡道故觀欲如灰河增益欲深不知足故
是故菩薩如是觀已離欲惡不善法有覺有
觀離生喜樂成初禪行離覺觀內淨信心在
一處無覺無觀定生喜樂成二禪行離喜行
捨念正智一心身行樂諸聖人能行能捨成
三禪行捨苦樂意先滅喜行捨念淨成四

禪行於一切衆生思惟樂想成就無量無邊
慈心於衆生中思惟苦想成就無量無邊悲
心於衆生中思惟喜想成就無量無邊喜心
於衆生中捨苦樂想成就無量無邊捨心是
菩薩不思惟色想成就空處寂靜行不思惟
空想成就識處寂靜行不思惟識想成就無

所有處寂靜行不思惟無所有處想成就非
有想非無想處寂靜行是菩薩於入息出息
若隨若任長時知長短時知短成就入息出
息寂靜行是菩薩思惟觀身不淨想成就不
淨寂靜行是菩薩思惟無常想生老病過成
就無常想寂靜行思惟食中起無量過患想
成就食不淨想寂靜行於諸世界城邑聚落
種種嚴飾中思惟分別必歸壞敗想成就世
間不可樂寂靜行是菩薩內有色想外觀色
少若好若醜取其相貌成就初勝處行是菩
薩內有色想外觀色多若好若醜取其相貌
成就第二勝處行是菩薩若死若燒風吹日暴

成爲灰土爲水所漂若碎滅磨滅若斷三有
是名內無色想觀外色少若好若醜取其相
貌成就第二勝處行是菩薩內無色想外觀色
多若好若醜取其相貌成就第四勝處行是菩
薩內無色相外觀色青無量無邊愛樂取相
成就第五勝處行是菩薩內無色相外觀色
赤無量無邊愛樂取相成就第六勝處行是
菩薩內無色相外觀色黃無量無邊愛樂取
相成就第七勝處行是菩薩內無色相外觀
色白無量無邊愛樂取相成就第八勝處行
是菩薩入是無量無邊地一切處不念異相
成就初一切處行是菩薩入無量無邊水火

風青青黃赤白虛空識一切處不念異相成就
十一一切入處行是菩薩入苦法時心緣一切
善根所謂大慈大悲攝持正法不斷三寶莊
嚴佛身清淨梵音本誓願教化衆生淨佛
世界坐菩提樹轉妙法輪除斷一切衆生結
使其心所緣境界如是是菩薩入禪定時離
四識住處不依地大水火大風大空大識
大亦不依止今世後世入如是定都無所依
是菩薩入禪其心愛樂爲欲入於無上解脫
定故是菩薩修行禪定願令一切衆生得度
得解脫故爲得一切智具足一切佛法故若
思惟若思惟已願令一切衆生得度得解脫

故爲得一切智具足一切佛法故於此禪定
若無力能學是菩薩應如是思惟我今應時
時漸漸勤加精進遠離亂心時時漸漸勤加
精進勤學一心令此一心增廣具足乃至生
有終不懈怠不生愁憂是菩薩發起菩提心
念菩提心修菩提心怖望菩提願求菩提是
名菩薩摩訶薩無量無邊善根禪定欲令一
切世間在在處處所有衆生發起無漏禪定
發起無學禪定生無漏禪定生無學禪定菩
薩摩訶薩行是禪定不以爲難以爲喜樂速
疾具足禪波羅蜜善臂云何菩薩摩訶薩具
足般若波羅蜜善臂若有聰明智慧之人學

已能持聞已誦習善學諸法甚深相義亦能
分別如所聞法聞已思義有如是等者菩薩
今時則應親近恭敬供養尊重讚歎乃至刀
仗不應遠離是菩薩因學問故因了義故因
思義故供養恭敬師和上故乃至近死終不
避難諸苦惱事所謂飢渴寒熱蚊虻毒螫風

吹日暴諸惡觸等罵詈誹謗是菩薩於正法
中起寶聚想於說法者起寶藏想於聽法者
起難遭想於問義者起慧命想於多學者斷
除無明起智慧想於分別諸法起百千生生
慧眼想是菩薩聞是諸法受持修學廣分別
已知陰界入四聖諦十二因緣三世三乘得

如是知云何知界知二界有爲界無爲界是
名二界云何有爲界若法生任滅者是名有
爲界云何無爲界若法無生任滅是名無爲
界是名知有爲無爲界復次知三界善界不
善界無記界云何善界若不貪共不貪若不
恚共不恚若不癡共不癡是名善界云何不
善界若貪共貪若瞋共瞋若癡共癡是名不
善界云何無記界除善不善若有餘法是名
無記界復次知三界所謂欲界色界無色界
云何欲界地獄畜生餓鬼阿脩羅人四天王
天三十三天夜摩天兜率陀天化樂天他化
自在天若於此中欲深貪著瞋恚愚癡惛望

欲得心所作業是名知欲界云何色界梵天
梵輔天梵眾天大梵天光天少光天無量光
天光音天淨天少淨天無量淨天遍淨天果
實天少果天廣果天無量果天無想天無熱
天無惱天喜見天妙善見天阿迦膩吒天若
於此中色深愚癡惛望欲得心所作業是名
色界云何無色界空處天識處天無所有處
天非有想非無想處天若於此中無色深汗
愚癡惛望欲得心所作業是名無色界是名
三界復次知四界欲界色界無色界無爲界
是名知四界復次知六界所謂欲界恚界害
界出界不恚界不害界是名知六界復次知

六界所謂地水火風空識界是名六界觀地
大無常變壞無堅無牢相若無常即是苦若
是苦即無我水火風空識大無常變壞無
堅牢相若無常即苦若苦即無我是名知六
界是菩薩聞如是法已受持修學廣分別已
即知五陰所謂色陰受想行識陰色如水沫
即是生滅不得久住受如水泡即是生滅不
得久住想如野馬即是生滅不得久住行如
芭蕉即是生滅不得久住識如幻化即是生
滅不得久住是名知五陰是菩薩聞是法已
受持修學廣分別已即知內入所謂眼入耳
鼻舌身意入是名內六入眼入即是苦法老

法死法空無我無我所熾然三毒生老病死
憂悲苦惱亦能熾然諸苦惱法耳鼻舌身意
亦如是熾然三毒乃至諸苦是名知內六入
復次知外六入眼所見色是名外六入耳所
聞聲鼻所嗅香舌所嘗味身所覺觸意所知
法是名外六入眼所見色是外入不堅牢性
無所依止亦無勢力一切無常如實非不如
實如幻如化耳所聞聲鼻所嗅香舌所嘗味
身所覺觸意所知法亦如是是名知外六入
是菩薩聞如是法已受持修學廣分別已即
知四聖諦所謂苦聖諦集聖諦滅聖諦道聖
諦是名四聖諦云何苦聖諦若五陰六界內六

入外六入是名苦此苦無常喻如怨賊如癱
如箭如獄閉繫如器壞敗是不自在即是無
我得如是知已足名知苦聖諦云何集聖諦
所謂貪恚癡慢我慢專取於我決定計我常
住不壞我即是色我異於色我即是想我異
於想我是想非想我異想非想我即是陰我

異於陰我中有陰陰中有我我即是界入我
異界入我中有界入界入中有我我即是受
我異於受我即是知我即於知我是無受我
異無受我是色少我異於色少我是色多我異
於色多我是常我是無常我是常無常我是非
常非無常我是有邊我即無邊我是有邊無

邊我是非有邊非無邊死後如去死後不如
去死後亦如去亦不如去死後非如去非不
如去命即是身身即是命此衆生從何處來
去至何處此諸衆生即是斷滅非有相續自
作自受他作他受計有我者即有我所有我
所者即是有如是攝取我自見身見若結若使
若我我所我受我貪我癡本若摠身口意業若
福業若罪業若欲界業若色無色界業是名
集聖諦云何滅聖諦若貪癡盡我所盡
受取有盡是名滅聖諦云何道聖諦若見苦
集盡思惟一切有為過患見涅槃寂靜所作
已辨住如是法時正見正思惟正語正業正

命正精進正念正定是名道聖諦如是知四
聖諦是善惡分別思惟四聖諦時見有為法
是苦是無常是空是無我見無為法能為覆
護是舍是依雖作是觀不證涅槃如是知四
聖諦是善惡分別如是法已受持修學廣分別
已即知十二因緣所謂無明緣行行緣識識
緣名色色名色緣六入緣觸觸緣受受緣
愛愛緣取取緣有有緣生生緣老死是名十
二因緣若不知不見四聖諦十二因緣是名
無明若有身口意業若福業若罪業若欲界
繫色無色界繫是名行若有心意識是名識
若有受想思觸思惟是名名名若有四大四大

所造色從歌羅羅乃至化生若作色非作色
是名色名色合故名名色若眼耳鼻舌身意
是名六入若眼緣色生眼識三法和合故生
觸是名觸若有苦受樂受不苦不樂受是名
有若有愛深是名愛若有愛見戒取是名取
若有色受想行識是名有若此有發起是名

因念九郎捨

生若此有衰變是名老若此有滅壞是名死
菩薩如是分別思惟十二因緣見聞覺知地
非是我不生愛著我非地不生愛著亦非恹
望水火風空識亦如是見聞覺知涅槃非我
不生愛著我非涅槃不生愛著亦非恹望是
菩薩見諸法從因緣起知三解脫門廣修學

見諸法空無相無作是菩薩見諸法從因緣起知寂滅樂精勤修學廣分別已則無明滅無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死滅如是菩薩雖觀十二因緣起滅而不證於滅菩薩如是知十二別已即知三世所謂過去未來現在去何過去若法生已滅是名過去去何未來世若法未生未起是名未來世去何現在世若法生已未滅是名現在世是菩薩念過去世

諸不善根輕毀可惡皆捨離之未來不善根
當受不善果報不喜不愛不可適意現在不
善根當令不起是菩薩能攝護身口意業及
六情根常起善業無有中間於過去善根是
菩薩菩提心專念菩提惔望菩提欲得菩提
以深重愛樂願一切衆生得度得解脫爲得

一切智具足一切佛法故未來世現在世亦
如是常不離是心終不懈怠失念放逸若過
去世陰界入等即是滅盡不實不在無我無
我所若未來世陰界入等是未生未起無我
無我所若現在陰界入是念念不任何以故
出世法無有一念住者若有一念是一念中亦有

生住滅是生住滅亦復不住如生住滅中有
內外陰界入是內外陰界入亦有生住滅若
如是不住者即是非我所若過去世滅
盡不實不在非我所若未來世未生未
起非我所若現在念念不住是非我所
我所若見三世非我所是名實智慧者
不見我所是我我所是即於諸有行無我
無我所行離欲想行斷想行滅想雖作是行
不證涅槃是名知三世是菩薩聞是法已受
持修學廣分別已即知三乘所謂天乘梵乘
聖乘云何天乘初禪二禪三禪四禪是名天
乘云何梵乘慈悲喜捨是名梵乘云何聖乘

正見正思惟正語正業正命正精進正念正
定是名聖乘是菩薩時時修集大乘梵乘聖
乘教化衆生今住三乘是時自身不證解脫
是名知三乘復次知三乘所謂聲聞乘緣覺
乘大乘云何聲聞乘軟根解脫於一念中離
三有窟宅樂欲出世欲得涅槃見寂滅處勤
加精進如救頭然若其未解四聖諦者欲以
智箭射四諦的欲證欲解以深欲精進是名
聲聞乘云何辟支佛乘中根解脫欲得寂靜
獨在一處而自利益入寂靜定方便分別十
二因緣欲得緣覺道欲證緣覺是名緣覺乘
云何大乘上根解脫欲令一切衆生得度得

解脫為得一切智具足一切佛法六波羅蜜
欲利益一切世界欲斷一切衆生苦惱於一
切世界五欲樂中心尚輕賤何況世間無量
諸苦欲令衆生持無上戒欲得聞見大乘經
典受持修學思惟分別讀誦令利勤加精進
若有菩薩修四攝法應往親近欲令衆生攝
真智慧安住四攝常欲得聞諸深法要受持
分別欲令一切入於禪定自捨己樂利益衆
生欲以自力隨他所樂令住三乘雖作是化
常自安住無上道中不壞不動心如金剛常
願欲得無上菩提願求菩提是名大乘是名
知三乘是菩薩聞是法已受持修學廣分別

已即知方便於佛法僧五體投地以此爲業
於其所作願無上道如是歸依發菩提心若
行若住若坐若卧若飲食洗浴於此事中更
無餘心但願無上菩提常作如是廣博修學
是菩薩若始入定若入定已常願一切衆生
得度得解脫故爲得一切智具足一切佛法
故欲於世界中尊欲調伏一切衆生欲於一切
衆生中無能勝者欲得最勝欲教誡一切衆生
欲令一切衆生得寂滅欲於一切法得成正覺
具足一切佛法發菩提心常作如是廣博修學
是菩薩若一切所作善根願一切衆生無有恐
怖出三惡道滅無量苦斷諸煩惱今得涅槃現

在未來欲得聲聞乘者願令具足現在未來欲
得緣覺乘者願令具足現在未來欲得大乘者
願令具足願請一切世間所有現在未來諸佛
世尊任世一劫說法令聖人眾隨佛在世而得
和合是菩薩如是思惟若存在在處處所有眾生
所修善根若欲生人中天上若任聲聞乘若任

辟支佛乘若愛語布施利益同事願令具足是
菩薩以是法故於三時中讀誦通利思惟此法
所謂我今歸依一切世間存在在處處所有諸佛
佛法僧菩薩頭面禮敬諸佛威德無能勝者其
相甚妙菩薩常應作如是念諸佛法僧願令世
間存在在處處無有空處所在方面常有諸佛令

我勸請留住一劫說微妙法呵責諸惡若已作
若今作我今已得離一切惡乃至一念中間當
願以一切善根令諸衆生壽命無量住於一切
諸善法中如諸菩薩速轉法輪令諸聖人得戒
定慧解脫解脫知見願令佛法常住於世利益
衆生生五道者悉得善根乃至敬禮諸佛常住
是願是諸菩薩所有善願令他衆生及其已身
得妙威德善妙威德若未來現在一切世間佛
法僧寶令住一劫無諸留難及諸菩薩寶速令
具足六波羅蜜疾成阿耨多羅三藐三菩提亦
無留難欲令一切衆生斷除苦惱怖畏行於喜
樂斷一切不善根成就一切善根隨如所願成

就三乘速疾成就諸波羅蜜壽命無量而得
解脫成無上道乃至敬禮諸佛常作是願是
菩薩欲令一切衆生斷諸苦惱若一切世間
在在處處所有諸佛乃至法身願以己身奉
施彼佛欲令一切衆生得度成無上道在所
生處信敬三寶以天香花奉養恒河沙等諸
佛世尊亦供養法僧及諸菩薩令所奉寶如
須彌山一切世間在在處處所有衆生若有
所須七寶房舍衣服飲食醫藥卧具悉當給
與令無所乏若有樂於忍辱精進持戒者我
當隨其所樂而爲解說使成就勝法令三寶
具足修六波羅蜜疾成佛道離諸惡法善行

實義身口意業不退世菩提樂於菩提在在處處見佛菩薩常學善根安止衆生於善法中是菩薩自知及他所有善根趣向智慧思惟智慧願欲令一切衆生得度得解脫故爲得一切智具足一切佛法故是菩薩趣向思惟已願令一切衆生得度得解脫故爲得一切智具足一切佛法故是菩薩如是智慧若無力能學應如是思惟我今當勤加精進時時漸漸斷於無明我今復當倍加精進時時漸漸學此智慧今此智慧增廣具足乃至生有終不懈怠生於憂愁如是菩薩發菩提心念菩提心修菩提心希望菩提心是菩薩無量無

邊善智慧何以故此慧於餘善慧中最勝第一令一切世間眾生發起無量智慧發起無學智慧生無漏智慧生無學智慧善臂如是菩薩行此智慧不以為難以為喜樂速疾具足般若波羅蜜佛說是經已善臂菩薩歡喜讚言善哉善哉信受奉行

大寶積經卷第九十四

制

屏限

上音餅下鳥

骨璣

作下正

肉揣

作下正

作持

于恭反

水泡

下青

濡根


作上正

的

反丁射

子中

藏經大寶積經卷第九十四



猪飼順良寄附

